

(30) الداين / المطالب

زي ماليك أكيد عليك بكره يجيني وأديك
يمكن تفرج بكره ياعم وتاخذ اللي ليك

يا عم اصبر علينا إحنا مُش هانطير
ربك رحمته واسعة وكمان رزاق وقدير
بيفك الضيقة في دقيقة والعُسر بين يُسرِين
وبعد الضلْمة بيجي النور وتشوف الكفين

زي ماليك أكيد عليك بكره يجيني وأديك
يمكن تفرج بكره ياعم وتاخذ اللي ليك

الدين دا هَم بالليل وكمان دَل بالنهار
وآه لو الداين داره في وش الدار
يقعد لك عالِباب وينزل فيك سِباب
وكل ما يشوفك تسمع كلام زي الهباب

زي ماليك أكيد عليك بـكره يجيني وأديك
يمكن تفرج بـكره ياعم وتاخذ اللي ليك

الداين لو بص لك يقتلك من غير رصاص
وتسمع لك كام كلمة من غير ما يراعي إحساس
ما هي الدنيا كده اللي يدوس راح ينداس
واللي يسلف الناس لازم إيديه تنباس

زي ماليك أكيد عليك بـكره يجيني وأديك
يمكن تفرج بـكره ياعم وتاخذ اللي ليك
